

k29
H89

17

中國方志叢書·第七號


據

清·石臺修馮師元等纂
清道光五年刊本

影印

廣東省

恩平縣志



5622/13

成文出版社印行



10110094

中華民國五十五年十月臺一版

恩平縣志

全冊

定價：二〇〇元

發行人：黃成男


台北郵政信箱二二六〇五號

出版者：成文出版社

台北郵政信箱二二六〇五號

印刷者：正大印製廠

三重市長生街二號之一



版權所有

內政部登記證內版台業字第一一四七號

序

恩平縣在肇慶府治之南
古南恩州地山海盟繞民
犷雜處宋元以前沿革不
一官於斯者非遷謫罕到
明置恩平驛屬陽江縣景

恩平縣志 卷之首序

泰天順間西獠入寇高涼
以東數百里無完城土人
爭起從賊巢壘遠近相望
成化初元偏師征討然琴
莫治臺院簡畀僉事陶公
直搗巢穴渠魁率殲散餘

衆數萬人還各郡縣築恩
平堡以防之在陽江水東
都要險區南通陽江北通
新興東連新會當三邑之
交六郡之衝至十五年兩
廣提督柳陽朱公英請將

恩平縣志 卷之首序

陽江新興新會附近里圖
民人湊撥恩平堡立以為
縣凡割三縣人戶三千戶
糧一萬石縣以驛名城因
堡建新會陳白沙先生儒
學碑記紀其事特詳洎我

朝定鼎兩粵之地用兵幾三
十年恩平尤多伏莽迨後
相承德教淪浹薄海內外咸
登祖席恩平雖地處彈丸
而沐浴
大化涵濡既久民物滋豐至

今遂為樂土甲申夏六月
予捧檄綰縣符問民疾苦
興利剔弊惴惴慄慄懼玷
前轍治理稍暇搜覽志乘
竊見恩之文獻事蹟關伏
者幾六十年中夜覃思急

應修補時

上憲正飭各郡縣有修葺
志書之舉前任楊公學顏
奉敕編纂未果以事去予
因不揣固陋為之踵成其
事並延學博楊君秀拔主

誦梁君卓成及諸生馮子
師元等共相參考刪煩就
簡凡十閱月書成以予忝
為邑宰復請弁言於首余
按恩平自設縣歷一百六
十七年前縣令奉新宋公

應昇始創立縣志又五十二年遼陽佟公世男初修之又七十七年福建和平曾公萼再修之為序共若干篇文義意備其何能復贊一辭然馬貴與有言志

者憲章之所繫非老於典故者不能為誠以山川險夷時俗歧異經野所分風氣所趨區宇之廣戶口之數具存圖志作而不述後將無徵今此重修體參其

舊事增於前山陵水泉鄉亭道里土田人物吏治風俗禮樂文章賢否泝厯靡不網舉目張既詳且備駕鈍如予固藉以物其土宜知其利害達其志而通其

欲齊其政而修其教以仰副

八子課吏安民之至意即後之守此土牧此民者求前人因革損益之原委勞來還定安集之機宜治績善

貽興替之樞要亦舍是蔑
由焉爰允所請而為之敘
並大書協修分纂採訪耆
梓諸君子姓名於簡端以
著成勞

皆

恩平縣志

卷之首序

七

道光五年

上浣署恩平縣事

平石臺書

宋志原序

厥初狃倭結繩可治大庭栗陸之世不知其幾千百歲而無紀也志之興也其於中古即四方之志外史掌之所從來亦遠矣志在春秋素王素臣言之文行之遺其斯以為志鵠乎雖其僻小苟或邑之必或志之一聞之市三家之村肉賤酒薄猶有司焉惡其害已而皆去其籍則大亂之道也恩平新設之邑半設之員然自成化間立縣以來經如許歲年而志未立余叨任未幾上臺檄取縣志無以應余甚病之詢於鄉先生梁叔建氏乃

恩平縣志卷之首

一

以其所輯志稿見示余獲之如獲拱璧屬羊城廬原甫至盧博雅士也臨叩見客非無作賦之才禹穴曾探又饒良史之識且萊蕪一飢嘗鹿平原十日不具因取志稿屬之草創逾月告竣適余有考察錄囚文武兩閣之役遷延久之未竟修飾至仲冬始克就緒付之梓其義例倣郡志間有併有省則相其宜存其質也為目十有一曰事紀曰秩官曰選舉曰建置曰賦役曰兵防曰地理曰祠祀曰列傳曰雜記曰藝文偶合以大數五乘地數六之數際乎以恩僻小之鄉兼余淺昧之識而欲期備乎文獻誠不自量第幸兩君子推之挽之辟諸蒐獵

梁則力而驅諸原盧則割而登之金余特劑調噴之使適於口而已謬曰既則鹿島則肉吾能無內愧乎哉昔崇正九年丙子仲冬長至之吉知恩平縣事宋應昇撰

宋志原序

歲己亥當神宗顯皇帝之萬曆二十有六年旬宣東粵左轄山陰王公泮大修省志聘鄉先紳三人總裁其事郡邑名諸生十人分修十郡先世父廷龍領肇慶一府之屬原甫弱齡執筆從事明年庚子世父舉孝廉以計偕行時志草已什九屬原甫力以復當事者至今宛然

恩平縣志卷之首

二

在胸臆間也原甫也賤少多奇病自先君子詣關上書還不幸而早世依慈母拮据勞瘁不能苦事鉛槧甫成就而又曾先世父捐館舍家難叢生賣白雲之田駕青雀之舫浮三湘窮七澤週吳越遍五湖一十六年歸而泊珠江之上鶴鵠一枝且未遂安亡何辭嶺以西入龍江旋駐端州進而辭恩州即今恩平縣訪豫章宋元孔令公豫章原舊遊令公才名重海內聲氣之投固非一日風流愛客不減臨叩下榻雲松觴咏間以其治邑之志事相屬憶原何人斯梁園授簡先婉相如石渠載筆敢効馬遷而敢當斯任令公愛逾誠而委愈篤詎不

恩平縣志卷之首 舊序

三

容辭且謂恩平雖未富庶之者因憶原三十年前胸臆間事欲歸而書之而不一屢豈不具在邇於家難就雖連牀充棟之書先人手澤竟無從覓徒增傷嘆幸而令公先得邑人梁叔建先生草本一帙恐其未備令公復蒐求郡乘博採羣情原得以散秩橫襟摻其遺以補其漏存其要以及其時紀光光大隨行侍事命其致書輿圖指陳阨塞使人其地者見志之所贖列爲不誣也雖然邑有新故治有緩急物有間領爲之志者務盡新而次序之庶幾無紊焉觀之自有封域則有盛衰世運迭更沿革匪一必先之以縣志縣紀既詳民安物阜不

恩平縣志卷之首 舊序

四

野生民嗜慾不一其性居處宴會不一其習不礙風聞傳諸觀記次之以稗志鳳有苞麟有紋黠類寒英絢諸霞采殘膏賡韻贈炙千秋一言信史永賴斯文而收之以藝文原竊謂信則傳疑則闕志意也詳而不紊贗而不穢此原之所以志意也是役也崇正丙子三月既望入恩平越十日而受斯命適令公以公行入郡一月而志草成又十日謝主人行原性懶不能遍謁諸名公訪採輿論時惟梁叔建一人相與周旋管窺如此潤飾取裁是在令公也是在令公也昔崇正丙子長至之吉羊城盧原議

宋志梁序

夫志所以紀風俗載典故別善惡以昭往鑒來厥係豈渺小哉恩平縣自戊戌戊戌迄今百有餘禩而志未就豈非缺典萬慮戊戌秋督府陳爲通志之纂檄各府州縣緝其舊志以聞而恩乏刻本無以應也翁源何師署學事承督府之命惟謹察棟於僑伍中而付茲役固辭而固弗免爰取前輩所紀傳者縱觀之則世三難焉夫孔子作春秋其事桓文其文史義則自謂難取事非文不傳文非義不斷義以命文文以敘事是謂三長今則無文史之可求而燕戲謔方卽片語亦當新

則創構之難萬厯弓田後冊籍攤核似例經一賦亦蘇
之而兵戎更置廩餉靡常則推算之難名宦人物原無
衡論而欲一一訪其生平立之列傳以垂勸懲則考覈
之難以此三難加之不敏其何以稱督府至意以無負
翁源知人之明也者為此踟躕屢纂筆焉已熟思之與
其畏難而止使一邑鉅典終屬淪沒無辜畢才而赴據
實而紀以備觀風者一擇亦足為理道資者於是單精
博採矢志裁訂抵歲暮而稿始成爲例十有二始之以
地理而疆域列矣表之建置正之祀典紀之賦役屢之
兵防以秩官者昭其序以選舉者登其名以名宦者錄

恩平縣志卷之首

五

其績以人物者最其實以貞烈者彰其節以文藝者採
其工至事變祥異道之困也咸亦論次付雜志焉經世
君子棄其詞而採其實商榷推行以期實用則督府命
修至意其不虛哉而棟亦藉是以報翁源以寡過免咎
矣若謂意長才短無所取裁持三說以請我何以解焉
邑人梁維棟撰

佟志原序

今上統御區宇北控烏龍江南抵臺灣幅員一萬里自古帝
王撫有旬服未有如此之廣也頃者

萬幾之暇留心版圖下戶禮二部臣論天下直省合郡縣上

其治山川城堡戶口之志於布政司檄所在文儒藝
士纂修通志寫繪輿圖以進未期年告成百代建置兆
民生聚如不諸掌又書契以來天府圖書所未備也世
男恭際

盛典以二十二年春承乏知恩平縣事恩平故宋恩州隸
肇慶府之南古遷謫諸君子之區其地當三岐衝塗介
山海雜獠獠無所爲政明成化二年置堡以處其民至
十五年從兩廣總督朱公奏請創新會新興陽江三縣
附比之里以立縣其時承平令此者沿故事以守其官
未有聞也崇正九年宋公應昇來知縣始作縣志經分

恩平縣志卷之首

六

緯列頗得圖志之體於是恩平乃得附見於郡邑追我
國朝兩粵用兵幾三十年恩平尤伏莽出沒之藪巖邑邱
墟廟官禾黍人民生庠幾不可問令無所棲類居村隅
菱合歲時禮會入城立綿蕞於縣址率僚屬北向拜舞
而去官師賦役卽列諸縣之後曾不得名一堡矣世男
莅官既受事立草中左顧師儒右進父老而告之曰令
受

天子命宰縣則縣之土地人民令是責矣五十里百里皆
天子之封疆令舍封疆居菱舍視縣爲郵傳如民人何時
先師主祀遷樞下有年世男謁廟退益不自安乃發使奉

信歸營祖父積俸以次建置明年捐牛種勸墾居亡何
草萊闢田野復盜賊息學宮巍然廡宇鱗次婦子穠負
而歸者入其境望城闕涂井遇回莫知所以自世男至
官迄今蓋五年云世男惟興作苟完文惠無徵非所以
答

天子式負版至意會求得宋公縣志於旁郡正訛補逸徵事
考文仍志之目十有一而列其小序於下世男不敏大
書

國朝損益因革之制進邑之紳士鄭軾何俊劉介玉許太
任修飾潤色續於篇而於山川兵防三致意焉蓋恩平

恩平縣志

卷之首

舊序

七

交錯山海荏苒之跡滋蔓偃伏今雖鴟獍買贖吏民無
擾世男不敢謂恩已治可以撫鳴琴樂絃歌而忽於
天子加意地輿安不忘危之道也是爲序昔康熙二十七年
戊辰仲夏文林郎知恩平縣事遼陽佟世男頓首撰
會志原序

縣有志何昉乎周官外史掌邦國之記記之爲言志也
藏於國則爲史上之朝則爲記明不敢與王史埒其實
皆史也封建既廢易爲郡縣史之名乃專屬之柱下掌
其紀載之散見於縣志者皆謂之志論者謂史貴簡而
明志貴詳而核雖體不無小異其爲記載之書一而

已恩平設縣在明成化間至崇正乙亥宋君應昇始爲
志當是時明運式微盜賊蠭起恩平固戎馬往來之地
也爲之令者方補苴罅漏之不遑何暇操觚論者述而
宋君毅然能爲之

國朝康熙二十五年伏莽初平元氣方復佟君爲宰復毅然增修之是二君者皆有功於恩者也嗣後遂無復修者前令何繆二君皆史才也慨然思修之卒亦不果蓋縣志之成若是其難焉余於乾隆庚辰六月蒞恩平去佟君之時且七十餘年間志於掾吏則曰版蝕於蠹投諸火索紳士家得剩本亦殘缺不可讀余乃慨然歎曰

恩平縣志

卷之首

舊序

八

風化氣運之轉移科條政令之施設閱時而遷焉所藉以考信者惟此載籍之僅存耳而任其消沉磨滅焉如文獻何顧入官伊始簿書期會日不暇給固有志而未逮也既而攝篆潮陽至乙酉冬暮還恩平會 巡憲陶公詢及之慨然益無以自安乃於丙戌三月延寓賢選邦彥局局授簡至六月而書竣凡十卷首疆域別封圻也次建置明因革也次記事備考核也次秩官昭職守也覈勑牧則賦役有志洪陶淑則禮樂有志嚴斥堠則兵防有志樹典型則人物有志畜牧饒土地之利則物產有志詞章發邦國之華則藝文有志他如星野之躔

開茂相月朔日閏中曾纂書於南平官署

曾志序

鯁以樗味無能之資落拓不羈之行奔走燕粵間者幾二十年蓋甘自澆落久矣甲申秋重遊東粵會閩漳曾公攝治潮陽招以俱往公固恩邑大夫也明年乙酉還思平仍獲屬車之載夫亦謂斯二邦者皆足跡所未至青雲可托藉以一探山水之幽奇耳不虞公之以縣志諉也志猶史也春秋而后稱良史才者莫如遷固後世猶謂記繁而志寡史之失自遷固始況出遷固下者乎近之爲志也大率皆假手於大人先生次亦一時知名

明體裁嚴整公尤爲之發凡厥惟遵循軌轍期無越畔而已書成獻之公公於曉琴之暇研精汰粗去俗存雅一筆一劃皆有深意則又光嗣代子儀軍旗一變矣至若荒村潛德幽巷貞婺以及先哲遺踪勝朝逸事或以傳聞無據挂漏貽譏則邑紳士任分探者限於聞見之未周鯁與曾公不任咎也乾隆丙戌孟秋上浣乞項前二日寶山周書潛廬甫書於南平邑署之金粟軒

修輯姓氏

倡修

恩平縣知縣楊學顏 山西曲沃人

總修

恩平縣知縣石臺 直隸蘇州人

協修

恩平縣訓導楊秀拔 嘉應鎮平人

原署增城縣教諭梁卓成 邑人

分纂

生員馮師元 邑人

恩平縣志 卷之首 姓氏

生員梁紹鳳 邑人

生員黃奮昌 邑人

生員鄭廷修 邑人

生員吳桐 邑人

生員黎文典 邑人

採訪

歲貢分發訓導馮文彪 邑人

生員吳士上 邑人

附貢即用縣丞孝廉方正梁紹芝 邑人

附貢生鄭朝珠 邑人

署澄海縣教諭張濟川 邑人

武舉鍾聲鳴 邑人

督梓

恩平縣典史湯文壽 安海縣人

恩平縣志 卷之首 姓氏

二

恩平縣志目錄

卷之首

圖象

卷之一

星象分野 占驗一星度辨論 氣候

卷之二

沿革表 志

卷之三

編年

卷之四

恩平縣志 卷之首 目錄

疆域 縣屬里至 山川 陂塘 鄉閭 墟市

卷之五

建置 城池 公署 一版廬 一社倉 坊表 清溪

卷之六

戶口 民戶總錄 丁山編征例

卷之七

田賦 稅賦總錄 地畝派征例 地丁同征例 經費

卷之八

學校 學宮 儒學 學額 書籍 學制 學田

卷之九

秩祀 增廟祠 祭品 祭儀

卷之十

典禮 慶賀 宣讀 宣講 上任 行香 迎春 賓興 送學 釋菜 鄉約 鄉飲 救護

卷十一

兵防 兵制 軍器 營寨 屯兵 塘汛 鄉政

卷十二

職官 文職 武職 名宦 政績 武職

卷十三

選舉 科貢 仕進 封贈

恩平縣志 卷之首 目錄

卷十四

人物 列傳 著書 仙釋

卷十五

風俗 土風 民俗 歲時 歲占 冠婚 喪葬

卷十六

物產 穀屬 蔬屬 瓜屬 藥屬 草屬 木屬 竹屬 花屬 果屬 禽屬 獸屬 鱗介屬 石屬

卷十七

古蹟 舊治 古書院 臺榭故址 名墓

卷十八

藝文 文 詩 詞

卷之末

拾遺

恩平縣志

卷之首 目錄

三

恩平縣志卷之首

圖象

此志也何以圖圖其可圖者也舉可圖者一一圖之俾讀者開卷了然心目而計里按圖明察不惑矣扼要以圖控制有術矣流覽瑤圖可當卧遊輪奐新圖如親歷境矣故古人謂之圖經圖在書前言由象著因彙為一帙以弁其首繪圖象

恩平縣志 卷之首

一

